

**ХҮНС, ХӨДӨӨ АЖ АХУЙ, ХӨНГӨН ҮЙЛДВЭРИЙН
ЯАМНААС 2009 ОНЫ 02 ДУГААР САРД
ХИЙСЭН ГОЛ АЖИЛ**

Нэг. Бодлого төлөвлөлтийн асуудлаар:

1. Засгийн газрын хуралдаанаар хэлэлцүүлсэн асуудал:

- “Хүнсний баталгаат байдал” үндэсний хөтөлбөрийг хуралдаанаар хэлэлцүүлж, 32 дугаар тогтоолоор батлуулав.
- “Улсын сайн малчин”, “Улсын тэргүүний тариаланч хамт олон”, “Улсын тэргүүний тариаланч” шалгаруулах тухай саналыг Засгийн газрын хуралдаанаар хэлэлцүүлэн, 34 дүгээр тогтоолоор шийдвэрлүүлэв.

2. Сайдын зөвлөлийн хуралдаанаар хэлэлцсэн асуудал:

- “Монгол Улсын малын үржлийн ажлын стратеги төлөвлөгөө” баримт бичгийг хэлэлцүүлж, холбогдох зөвлөмжийг гаргуулан хэрэгжүүлэх ажлыг зохион байгуулж байна.
- “ХХААХҮ-ийн салбарыг эдийн засгийн хямралаас хамгаалах бодлогын чиглэл” баримт бичгийн төслийг хуралдаанаар хэлэлцүүлж, гишүүдийн саналыг тусган Ерөнхий сайдын зөвлөлд хүргүүлэв.
- “Хоршоог хөгжүүлэх нийгмийн хэмжээний хөтөлбөр”-ийн хэрэгжилтийн тайланг хуралдаанаар хэлэлцүүлж, шийдвэр гаргуулан хэрэгжүүлэх арга хэмжээг авч байна.

3. Судалж, боловсруулсан асуудлын талаар:

- “Хоршооны тухай хуульд нэмэлт, өөрчлөлт оруулах тухай” хуулийн төслийн үзэл баримтлалыг батлуулахаар ХЗДХЯ-нд хүргүүлэв.
- “Хоршоог хөгжүүлэх нийгмийн хэмжээний хөтөлбөр”-ийн төсөлд санал авахаар яамдад хүргүүлэв.
- “Орон нутагт үйлдвэр хөгжүүлэх чиглэл батлах тухай” Засгийн газрын тогтоолын төсөл боловсруулж, “Үйлдвэржүүлэлтийг дэмжих жил”-ийн ажлыг зохион байгуулах ажлын хэсгийн хуралдаанаар хэлэлцүүлэв.
- “Салбарын шинжлэх ухаан, технологийн зөвлөл”-ийг шинэчлэн байгуулан, Зөвлөлийн ажиллах журмыг боловсруулж, батлуулан ажиллаж байна.
- ХХААХҮ-ийн салбарын 2009 оны төсвийн тодотголын талаарх санал болон Төсвийн Ерөнхийлөн захирагчийн санхүүгийн нэгтгэсэн тайланг Сангийн яаманд хүргүүлэв.
- Төсвийн Ерөнхийлөн захирагч, аймаг, нийслэлийн Засаг даргатай байгуулсан бүтээгдэхүүн нийлүүлэлтийн тайлан болон бүтээгдэхүүний өртгийн тайланг ЗГХЭГ, Сангийн яаманд хүргүүлэв.
- ХХААХҮ-ийн салбарын мэдээллийн сангийн стандарт, бүтцийг батлуулан мөрдөж эхлэв.
- ХХААХҮ-ийн сайдын 2009 оны төсвийн багцад батлагдсан хөрөнгөөр худалдан авах бараа, ажил, үйлчилгээний хүрээнд дор дурдсан тендерийн баримт бичгийг боловсруулан, зарим тендерийг өдөр тутмын сонингоор дамжуулан олон нийтэд зарлаад байна. Үүнд:
 - “Үрийн буудай худалдан авах”
 - “Жимс, жимсгэний үйлдвэрлэлийг дэмжих төсөл сонгон шалгаруулах”
 - “Хүнсний ногооны иж бүрдэл нийлэг хальсан хүлэмж нийлүүлэх”
 - “Үр ариутгалын бодис худалдан авах”
 - “Бордоо худалдан авах”
 - “80-130 морины хүчтэй дугуйт трактор худалдан авах”
 - “Царцаатай тэмцэх арга хэмжээнд шаардагдах ургамал хамгаалах бодис худалдан авах”

- “Микробиологийн аргаар үлийн цагаан оготнотой тэмцэх арга хэмжээний гүйцэтгэгчийг сонгох”
- “Тэжээлийн нэг болон олон наст ургамлын үр худалдан авах “
- “Сүүний болон махны чиглэлийн үхэр худалдан авах”
- “Малын гоц халдварт өвчний оношлуур нийлүүлэгчийг сонгох”
- “Шувууны томуу өвчнөөс сэргийлэх вакцин, оношлуур нийлүүлэгчийг сонгох”
- “Бруцеллёзын шинжилгээний оношлуур, багаж хэрэгсэл, хуруу шил худалдан авах”
- “Гоц халдварт шүлхий өвчнөөс сэргийлэх вакцин нийлүүлэгчийг сонгох”
- “Үйлдвэрлэл, технологийн паркийн захиргаа, бизнес инкубаторуудын барилгыг худалдан авах”
- “Үйлдвэрлэл, технологийн паркийн судалгааны ажил хийлгэх зөвлөх үйлчилгээний гүйцэтгэгчийг сонгон шалгаруулах”

Хоёр. Бодлогын хэрэгжилтийг зохицуулах асуудлаар:

- Хүнс, хөдөө аж ахуй, хөнгөн үйлдвэрийн салбарын удирдах ажилтны зөвлөлгөөнийг 2009 оны 02дугаар сарын 12-13 ны өдрүүдэд зохион байгуулав. Уг зөвлөлгөөний үеэр Мал эмнэлэг, үржлийн албаны удирдах ажилтны салбар зөвлөлгөөнийг зохион байгуулав. Зөвлөлгөөнд аймаг, нийслэлийн ХХААГ, Мал эмнэлгийн алба, Мал үржлийн алба болон бусад холбогдох байгууллагын удирдах ажилтнууд оролцлоо. Аймаг, нийслэлийн Хүнс, хөдөө аж ахуйн газруудын 2008 оны ажлыг дүгнэж, салбарын шилдэгүүдийг шалгаруулан, шагналыг зөвлөгөөний үеэр гардуулав.
- “Алтан төлийн эзэн”, салбарын хулгана жилийн “Есөн алдартан”-г шалгаруулан, шагналыг орон нутагт хүргэх, гардуулах ажлыг зохион байгуулав.
- “Монголд үйлдвэрлэв” үзэсгэлэн, худалдааг “Мишээл Экспо” төвд зохион байгуулж, 150 гаруй иргэн, аж ахуйн нэгж оролцож, 400 гаруй сая төгрөгийн борлуулалт хийв.
- Хэрлэнбаян-Улааны аймаг дундын отрын бүс нутгийг өнжөөх талаар Хэнтий аймгийн Засаг даргын тамгын газартай, хамтран ажиллах төлөвлөгөөг тус отрын бүс нутагт өвөлждөг Төв, Дундговь, Говьсүмбэр, Хэнтий, Нийслэлийн 13 сум, дүүргийн Засаг дарга нарт хүргүүлэв. Аймаг дундын отрын бүс нутагт 2009 оны 02 дугаар сарын 15-ны байдлаар 10 аймаг нийслэлийн 24 сум дүүргийн 543 өрхийн 37225 бод мал, 332226 бог нийт 369451 толгой мал өвөлжиж байна. Багахайрханд 17 тн, Хэрлэнбаян-Улаанд 1,5 тн багсармал тэжээл дараа төлбөр хийх нөхцөлтэйгээр олгож, малын хорогдол гарахаас урьдчилан сэргийлэхэд зохих туслалцаа үзүүлж байна. Одоогийн байдлаар 100,0 тонн багсармал тэжээл нөөцөд байна.
- ОХУ-аас импортоор оруулж ирсэн улаан буудайг аж ахуйн нэгжид хуваарилан олгох ажлыг зохион байгуулж байна. Одоогоор 6 аж ахуйн нэгжид 564 тонн улаан буудай олгоод байна. Мөн техник тоног төхөөрөмжийг хуваарийн дагуу олгож байна.
- Япон Улсын Ядуурлыг бууруулах сангийн санхүүжилтээр Азийн хөгжлийн банкнаас хэрэгжүүлэх “Ядуу малчин өрхүүдэд зориулан уст цэг ба нэвтрүүлэх төв байгуулах” төслийн эхлэлтийн семинарыг Өвөрхангай аймагт зохион байгуулан, санамж бичигт гарын үсэг зурж, төслийн үйл ажиллагааг эхлүүлэв.
- Зохиомол хээлтүүлгийн 2008 оны ажил үйлчилгээний дүнг гаргаж, 2009 оны зорилтоо тодорхойлох зөвлөгөөний бэлтгэл ажлыг хангаад байна. 2008 онд 74 салбар ажиллуулан 3138 үнээ, 3510 хонь, 310 ямааг зохиомол хээлтүүлэгт хамруулсан ба үнээний хээл авалтыг 83%-д хүргэн ажиллав. Малын удмын сангийн үндэсний төвтэй байгуулсан гэрээгээ үр дүнтэй биелүүлж, мэргэжлийн ур чадвар гарган ажилласан техникчдийг урамшуулах ажлыг зохион байгуулав.
- “Ямаан сүргийн экологи, эдийн засгийн тулгамдсан асуудлууд” сэдэвт эрдэм шинжилгээний бага хурлыг ХААИС, ШУТИС –иудтай хамтран зохион байгуулж, ямааны аж ахуйн хөгжлийн хандлага, билчээр ашиглалт ба экологийн зарим асуудал, үржил селекци, ашиг шимийг сайжруулах, өвчнөөс урьдчилан сэргийлэх, тэмцэх арга зам, ямааны аж ахуйг хөгжүүлэх боломж зэрэг сэдвүүдээр илтгэл тавьж санал солицов.
- Монголын Хүнсчдийн Холбоо, Монгол Японы төвтэй хамтран “Архи спиртийн үйлдвэрлэлд чанарын хяналтын тогтолцоо нэвтрүүлэх” сэдэвт үзүүлэх сургалтыг зохион байгуулав.

- “Согтууруулах ундааны үйлдвэрлэлийн техникийн зохицуулалт”-ын талаар лабораторийн ажилтнуудад зориулсан сургалтыг СХҮТ-тэй хамтран зохион байгуулав.
- Монголын Хүнсчдийн холбоо, хүнсний үйлдвэрлэл эрхлэгчидтэй цаашид хамтран ажиллах талаар нээлттэй хэлэлцүүлгийг зохион байгуулж хамтран ажиллах төлөвлөгөөний төслийг боловсруулав.
- Орон нутагт үйлдвэрлэл хөгжүүлэх чиглэл, байгуулах үйлдвэрүүдийн техник, эдийн засгийн үндэслэлийн эмхтгэлийг хэвлүүлэн, хэрэглэгчдэд хүргүүлээд байна.
- Худалдааны чиглэлээр үйл ажиллагаа явуулж байгаа аж ахуйн нэгжүүдийн судалгааг нэгтгэн гаргав.

Гурав. Гадаад хамтын ажиллагаа болон дотоод ажлын талаар

- Монгол Улсын Ерөнхий сайдын ОХУ-ын Эрхүү хотод хийсэн айлчлалын мөрөөр авч хэрэгжүүлэх арга хэмжээний төлөвлөгөөг батлуулан, хэрэгжүүлэх ажлыг зохион байгуулж байна. Төлөвлөгөөний дагуу 02 дугаар сарын 05-наас тус яамны төлөөлөгчид ОХУ-ын Москва хотноо ажиллаад ирлээ.
- Монгол - Оросын хамтын ажиллагааг 2009 онд хөгжүүлэх арга хэмжээний тухай протоколын дагуу ОХУ-аас газар тариалангийн техник тоног, төхөөрөмж, үр бордоо зээлээр авах асуудлыг харилцан тохиролцов.
- Япон Улсын Засгийн газар 2007 оны санхүүгийн жилд Монгол Улсад нийлүүлсэн улаан буудайн тусламжийн асуудлаар хоёр Засгийн газар хоорондын уулзалтыг 2009 оны 02 дугаар сарын 18-ны өдөр зохион байгуулж, Япон Улсаас үзүүлсэн 16 удаагийн тусламжийн барааг борлуулсан орлогоос бүрддэг хуримтлалын сангийн ашиглалтын талаар болон цаашид хуримтлалын сангаар хэрэгжүүлэх төслийн талаар санал солилцов.
- ХБНГУ-ын “Амак” ХХК-тай хамтарч энэ оны 03 дугаар сард “Орчин үеийн газар тариалан” сэдэвт симпозиум зохион байгуулах бэлтгэл ажлыг ханган ажиллав.
- “ЖАЙКА” байгууллагын дэмжлэгтэй хэрэгжиж буй “Мал аж ахуй, газар тариалангийн хосолсон загвар аж ахуйн хөгжлийг дэмжих төсөл”-ийн эцсийн шатны үнэлгээг төсөл хэрэгжүүлэгч 3 аймгийн 8 сумд 24 аж ахуйн нэгжид хийв. Тайланг төслийн хамтарсан Зохицуулах хорооны хурлаар хэлэлцэж, төслийг хэрэгжүүлэх үйл ажиллагааг 6 сараар сунгав. Стратеги нэвтрүүлэх төлөвлөгөөг боловсруулах асуудлыг хэлэлцэж ХХААХҮЯ, Сангийн яам, ЖАЙКА-ын хооронд 3 талын Протоколд гарын үсэг зурав.
- ОХУ-ын Эрхүү хотын ХАА-н академитэй байгуулсан “Санамж бичиг”-ийн дагуу газар тариалангийн үйлдвэрлэл эрхэлж буй аж ахуйн нэгжүүдийн менежер 20 хүнийг эхний ээлжийн сургалтад хамруулах ажлыг зохион байгуулав.
- Дор дурдсан хөтөлбөр, төслийн хэрэгжилтэд хяналт – шинжилгээ, үнэлгээ хийв. Үүнд:
 - “Иод дутлын эмгэгтэй тэмцэх” хөтөлбөр
 - “Хоршоог хөгжүүлэх нийгмийн хэмжээний” хөтөлбөр
 - “Ногоон хувьсгал” хөтөлбөр
 - “Арьс шир” дэд хөтөлбөр

ХҮНС, ХӨДӨӨ АЖ АХУЙ, ХӨНГӨН ҮЙЛДВЭРИЙН ЯАМ